

## Наманганлик йўлсозларнинг байрам совғаси: Янгиқўргон тумани марказида янгиланган кўприк



Мустақилликнинг қутлуг 25 йиллик санаси арафасида Наманганнинг барча шаҳар ва туманлари бунёдкорлик, ободонлаштириш ишлари авжидаги. Ўзининг олмалари-ю, бетакрор табиати билан донг таратган Янгиқўргонда ҳам бугун байрам шукухи устувор. Юртбошимиз раҳнамоликларида олиб борилаётган иқтисодий-ижтимоий йўналишдаги чора-тадбирлар ҳар бир туман аҳлини турмуш фаровонлигини юксалтиришга хизмат қилмоқда.

Умумий фойдаланишдаги давлат аҳамиятидаги 4П-118 "Жийдакапа-Уйчи-Чорток-Янгиқўргон-Нанай-Қирғизистон Республикаси чегараси" автомобил йўлиниң 32-километридаги, Янгиқўргон шаҳарчаси марказида жойлашган кўприкнинг қайтадан барпо этилганлиги ҳам фикримиз далилидир. Ушбу ҳайрли иш учун жами 2 миллиард сўм маблағ сарф этилди.

Аслида объектнинг топширилиши 1 сентябрга режалаштирилган бўлса-да, қайта қуриш ишлари муддатидан олдин якунланиб, аҳолига байрам тухфаси сифатида тақдим этилди. Кўприк аввалгидан кўра 4 метрга кенгайтирилди ва пиёдалар йўлакчаси янги, замонавий қўринишга келтирилди.

Мазкур объектнинг очилиш маросими туман фахрийлари, ёшлиар, жамоатчилик вакиллари, йўлсозлар иштирок этди. "Наманганавтойўл" худудий йўллардан фойдаланиш ташкилоти директори Ў.Мурадов ҳамда туман ҳокими Т.Рапиқовлар очилиш маросими қатнашчиларини ушбу воқеа билан муборакбод этдилар. Таъмирлаш ишларида жонбозлик қўрсатган йўлсозларга қимматбаҳо совғалар топширилди.

"Ўзавтойўл" АК матбуот хизмати